

և եղկելի կանայք, աղջկունք և մանկունք ի պատուհանից տանց զպատկերս սրբոց և աստուածածնայ արտաքս բերեալ, ցուցանէին նոցա. ի սէր նոցա լալագին արտասուօք ողորմ հառաչմամբ մորմորէին, պաղատէին չար ինչ չառնել անձանց իւրեանց. զսակաւիկն մնացեալ յընչից իւրեանց, ի պէտս ապրուստից յայս դառն կարօտութեան ժամանակիս, չխուել, չառնուլ, չբառնալ. թէպէտ սոքա զայս ամենայն պաղատէին, թէպէտ և յոտս աղտեղեալս նոցա զհամբոյր շրթանց իւրեանց մատուցանէին նոցա, որք ի չմարդիս համարեալ էին, սակայն ոչինչ օգտէին. այլ նոքա կծանէին, կպատէին, կողոպտէին. և յոր ձեռնհաս էին՝ ոչ զանց առնէին, և ի խորհրդոց իւրեանց և ի կամաց չարութեան ոչ զիջանէին: Քանդեցին, աւերեցին զերկիրն, և զցանկալի ցանկալի ընչից պերճութիւն և զճոխութիւն յանձինս զրաւեցին, առին զնացին յիւրեանս, և ոչ թողին ինչ՝ զոր նկատեցին աչք իւրեանց. և զամենայն չալխայս գտեալս անդ կապեցին իւրեանց եէտէկս, և հեռացան մերժեցան հարուստ մի և հասին ի գէթին պուռնուռ: Անտի դարձեալ արձակեցին նաւ մի ի քաղաքն, երթայր յոխորտանօք՝ եհաս եկաց անդ մօտ ի քաղաքն, էարկ հուր ի նաւսն. այրեաց հրդեհեաց զամենայն զեղեցկութիւնն և զամրութիւնն նորաչէն՝ տաճկին. եկաց հանդիպոյ, տեսին և զուարճացան տեսարանք նոցա, խայտացին և ծափս հարին ի վերայ թշուառութեան ատելեաց իւրեանց, և մխիթարեցին զանձինս իւրեանց չարեօք նոցա: Գարձան ապա առ իւրեանս, և ցուցին զոր զործեցին. թողին և այնպէս զքաղաքն, և զնացին յոր և կամեցան: Այս անցք առմանն միտիլիոնու: Գօնսուլն ֆուանսա յու որ ի միտիլի՝ հազիւ հանդերձ կնաւ իւրով, զգետուքն որ ի վերայ ասեն մարթացաւ զանձն ապրեցուցանել ի փառօս կղզին, անդ ապաւինիլ առ ժամանակ ինչ, մինչև տեսցէ զկատարած գործոյն՝ յոր վճարեսցի, թողեալ զամենայն ինչս ի յափշտակութիւն նոցա:

Հայ ոմն պէյօղլուցի շնկիլի մականուանեալ՝ բարձեալ յաղքսանդրու ի նաւ ֆուանս սըզի աւելի քան զհարիւր հազար դէնարաց բեռինս բրնձաց և խահվէից և խնկոց տանէր ի կոստանդնուպօլիս, զորոյ զառաջս առեալ հիւսիսայինքն, յափշտակն զամենայն ինչս նորա, և տանին ի փառօս ի զօրապետն իւրեանց ի օլոֆ, և զհայն ընդ նմա, և նա տայ նմա եօթն հազարաց ինչս ի ձեռս նորա, և զայս առնու առ իւր, և թողլթ մի ի ձեռս հայոյն իբր առյապայն վճարել. որ զայս օրինակ բազմաց ասեն արարեալ, և նա անդ այնպէս դեգերեալ կայ՝ հնարս ինչ գտանել, բայց ամենևին չիք յոյս: Եւ այլ քանի մի հայոց այս անցք դիպեալ են, որք այժմ դեգերին անդ ողբալով: Իսկ յունաց անթիւ և անհամար այսպիսի անցք: Վասն որոյ թէ որչափ այժմ անիծանեն և հայհոյեն զնոսա, տկարանամ ընդ գրող արկանել: Տեսի և խօսեցայ ընդ բիւրս ի յունաց. չգտի չտեսի զոր, որ բարիս խօսէր զնոցանէ, կամ ցանկացող լիցի նորա զալստեանն: Ամենայն կղզիք ապականեալ են արիւնհեղութեամբ և զրկանօք ի ձեռաց արանց ամպարշտաց, որք իբր ջատագովք հիւսիսայնոյն՝ աներկիւղ յումեքէ՝ զոր կամին կողոպտեն, զոր ցանկան պղծեն, և ընդ որ զչարին սպանանեն: չիք որ քննէն, չիք որ դատէն: Ամենեքեան սոքա զգեստաւորեալ զօրէն խալիօնիի տաճկին, զոյգ մի փիշտօֆից ի մէջս, և եաթաղանն առնլթեր, և զսուր երկսայրի առ զստեամբ. և փօշի կարմիր՝ կանաչ՝ սպիտակ իւրաքանչիւր ըստ իւրեանց հաճոյից ի գլուխս:

Ասեն եթէ այժմ անթիւ բազմութիւն ի հիւսիսայնոյն նաւուք, և Ժն նաւ գործիք պատերազմականք խումպառայք. կիւլլէք և այլ ինչ: Այժմ աստ զամենայն երկիր զոր առնու մօսկօֆ՝ աւերէ քանդէ թողու այնպէս և դառնայ յետս, և ոչինչ փոյթ է նմա տիրել, իբր զի չունի ասեն հրաման: Նաւուցն ֆուանսըզի ամենևին ոչինչ ակնածեն, ըստ հաճոյից քննեն, հային, արգելեն տանիլ ինչ կերակրեղէն ի տաճիկ. և բազում անգամ ևս առնուն ի նաւուցն զոր ինչ և կամին. այլ ի նաւս ինկիլիզին և ֆլէմէնկին բազում ակնածութեամբ զնան, աչք խբեն, թէև տեսանեն զնոսա լի ամենայն բարութեամբ բրնձոյ և ցորենոյ, թողուն զնոսա տանիլ, զորոց մինչև մեք տեսաք աչք մերովք, որ զայր յաղքսանդրու լի բրնձովք ևն. զոր քննեցին՝ տեսին և աչք խբեցին: Փոքր մի ևս վէնէտիկեան նաւուցն ակնածեն, այլ ոչ այնչափ: Այս անցք են այժմ յայտոսիկ վայրս...

Գրեցաւ յամի տեառն 1771 ի դեկտ. 7